

Канон священномученику Илариону, архиепископу Верейскому

Память празднуем 15 (28) декабря

Тропарь, глас 4-й

Воине Христов Иларионе, славо и похвало Церкви Русския, пред гибнущим миром Христа исповедал еси, кровми твоими Церковь утвердися, разум Божественный стяжал еси, людем верным возглашаше: без Церкви несть спасения.

КАНОН, глас 6-й

Песнь 1

Ирмос: Волною морскою Скрывшаго древле гонителя мучителя, под землею скрыша спасенных отроцы; но мы, яко отроковицы, Господеву поим, славно бо прославися.

Припев: Святыи священномучениче Иларионе, моли Бога о нас.

Иларионе, всечестный владыко, по имени твоему войстинну житие твое бысть, тишину бо молитвенну внутрь себе имый, радость пасхальную всем яви.

Святыи священномучениче Иларионе, моли Бога о нас.

Лесть гонителей твоих отвергнув, мучения лютаго не убоясь, Христа пред судиями неправедными мужески исповеда, в темницу заключен и пострада, славою небесною прославися.

Святыи священномучениче Иларионе, моли Бога о нас.

Ангелов собеседниче, Иларионе преподобне, в обители Сергиевой, в доме Живоначальных Троицы поживе, постом и молитвою душу очистив, боговедение стяжал еси.

Слава: Ревность по Бозе имый, еретических мудрований терпети не возможно, богоборцев словом обличил еси, из

обителей и храмов их изгоняя, многих к покаянию и спасению привёл еси.

И ныне: Иныя помощи не имамы, разве Тебе, Владычице, Ты нам помози моря жития сего пучину яко по суху пройти неискушенно от злых.

Песнь 3

Ирмос: Тебе на водах повесившего всю землю недержимо, тварь, видевши на лобнем висима, ужасом многим содрогашеся, несть свят, разве Тебе, Господи, взывающи.

Святыи священномучениче Иларионе, моли Бога о нас.

От Творца наделен добродетелей чистотою, Иларионе дивный, девственниче душею же и телом, не пожела твари поработати паче Творца, на грех вооружися, на земли невещественное житие показал еси.

Святыи священномучениче Иларионе, моли Бога о нас.

Небесный человеке, земный Ангеле, Иларионе премудре, Сергию Преподобному в подвизех подража, Серафиму святому о спасении Руси моляшеся, Иоанна Богослова яко богослов преискусный покровителя имый.

Святыи священномучениче Иларионе, моли Бога о нас.

Агнцу Божию подражая, Иларионе святыи, кротостию, смирением и терпением, паче же любовью преукрашен быв, мучителей твоих простил еси, яко древле Бог твой и Спаситель.

Слава: Стяжа дар Духа Святого, Сыну, Крест взем, последова, Отца Небеснаго волю исполняя, Иларионе блаженне, Троицы Святыя истинный почитателю.

И ныне: Лестнице Небесная, Еюже сниде Бог, Пресвятая Богородице, долу лежащее естество наше к небеси возводиши, темже Тя любовью непрестанно величаем.

Господи, помилуй (трижды).

Седален, глас 7-й

Егда прореченное возлюбленным учеником и Богословом

соверши́шася, и анти́христы мно́зи приидо́ша в мир, ты, Иларио́не, архиере́ю и друг Христо́в, в темни́це заключён быв, не восхотёл еси́ предтече́ антихристову поклони́тися, якоже му́ченицы святы́и не возжелáша жёртву идо́льскую принести́. Ны́не же злу в ми́ре умно́жившуся, зна́мения грóзная зрим, тру́сы, глад и мор по всей вселённой, близ есть при двéрех со Апóстолом речём. Потщи́ся ўбо, святы́й Иларио́не, и помози́ нам моли́твами твои́ми стрéлы вра́жия отрази́ти и ко́зни диа́воли разори́ти, Еди́наго Христа́ распя́того вѣну очесы́ умными зрети́ и Тому́ из глубины́ сердéчныя взыва́ти: ей, гряди́, Го́споди Иису́се.

Слава, и ныне: Предста́тельница и моли́твеннице на́ша, Пресвята́я Влады́чице, умоли́ Сы́на Твоего́ и Бо́га, егда́ сядет Он суди́ти живым и мёртвым, да простит Он грехи́ и беззакóния на́ша, да не лишит ны Ца́рствия Небéснаго.

Песнь 4

Ирмос: На Кресте́ Твое́ Божественное истощáние провѣдя, Авваку́м, ужáсса, вопия́ше: Ты си́льных пресе́кл еси́ держа́ву, Бла́же, приобщился сущим во áде, яко всеси́лен.

Святы́й священному́чениче Иларио́не, моли́ Бо́га о нас.

Апóстол но́вый яви́лся еси́ в безбо́жном ми́ре, Иларио́не Богому́дре, Христа́ Крестное истощáние пропове́дал еси́, та́йну Це́ркве позна́л еси́ и конéчныя судьбы́ тва́ри уясни́л еси́.

Святы́й священному́чениче Иларио́не, моли́ Бо́га о нас.

Вѣлия та́йна есть Це́ркве Невѣсты Христо́вы, якоже Божественнии Апóстоли вещáше, тоя́ глубинú ты, Иларио́не, чѣстым се́рдцем узрёл еси́ и богослóвскими словесы́ провозгласи́л еси́.

Святы́й священному́чениче Иларио́не, моли́ Бо́га о нас.

Небéсныя любвѣ дара́ удосто́ен был еси́, Иларио́не, Бо́га Трóицу, Иже есть любы́, испове́дал еси́ и о Це́ркви Святе́й, иже есть любвѣ единéние, богослóвствовал еси́.

Слава: Адамáнт вѣры быв, отéческих заветов хранителю́, святителю́ Иларио́не, вѣтрами лука́вых учéний несмуша́емь

пребыл еси, Богородицу Чистую яко Деву и Матерь прославил еси.

И ныне: Голгофстей казни предстоящи, Матерь Божия скорбно зываше: увы, Сыне Мой! Како на Кресте висиши, землю на водах повесивый? Извести из ада земнородныя и мир обожити на землю Ты сошел еси.

Песнь 5

Ирмос: Богоявления Твоего, Христе, к нам милостивно бывшаго, Исаия, Свет виде в Невечерний, из нощи утреневав зываше: воскреснут мертвии, и востанут сущии во гробех и вси земнороднии возрадуются.

Святыи священномучениче Иларионе, моли Бога о нас.

О, Иларионе, святыи владыко, помози нам ночь безлунную жития сего скорбнаго в терпении и покаянии без порока прейти, и радости света невечерняго сподобитися.

Святыи священномучениче Иларионе, моли Бога о нас.

Христовым пастырем пастырь был еси, Иларионе, добрый, и наставник терпеливый, не токмо в богословии, но и в добродетели их наставляше, благодатию, тебе от Бога данною, души воскрешая.

Святыи священномучениче Иларионе, моли Бога о нас.

Радостию духовною всегда украшен был еси, Иларионе, шествова путем тесным и прискорбным, всех уча Христу сраспинатися, в постах и молитвах подвизатися, скорби и нужду без ропота терпети, дабы воскресения радости не лишитися.

Слава: Иноцы обители сретенския днесь радуются, прославляюще архипастыря Илариона славнаго, почитателя Девы и Матере Господа, сретившаго икону Ея чудотворную Владимирскую, в праздник в обитель приносимую, и за то гонения от безбожников претерпевшаго.

И ныне: Славим Тя немолчно, Владычице, и ко иконе Твоей святей Владимирстей припадаем, зывающе: изведи град Москву, егже ты от врагов древле спасла еси, из пучины греховныя, и огради обитель Сретенскую от всех

навѣтов вражих, и спаси души наша.

Песнь 6

Ирмос: Ят бысть, но не удержан в персех китовых Иона: Твой бо образ нося, Страдавшаго и погребению давшагося, яко от чертога от зверя изыде, приглашаше же кустодии: хранящии суетная и ложная, милость сию оставили есте.

Святый священномучениче Иларионе, моли Бога о нас.

Ты, Честный владыко, патриаршеству Русскою Церковию суетно оставлену, от юности скорбен бысть, из глубины душевныя взываше: да предложится плач на радость православным людем, Патриарха вновь обретшим.

Святый священномучениче Иларионе, моли Бога о нас.

О, владыко Иларионе, предстоя собору мужей церковных, словом твоим, мудростию и благодатию растворенным, ты призвѣ их свято патриаршее место в соборе Успенstem пусто не оставити.

Святый священномучениче Иларионе, моли Бога о нас.

Всечестная двоице, святый Тихоне, Патриарше и исповедниче, блаженный Иларионе, сподвижниче того и мучениче, образ вы Христа распята в мире сем явила еста.

Слава: Ангели и Архангели ныне на Небесех ликовствуют, видяще два земныя Ангела, Тихона и Илариона, Церковию прославляемая.

И ныне: Радуйся, Царице Небесная, Церкви Столпе непоколебимый, патриархов православных похвало, обителей святых нерушимая стено, града нашего и страны утверждение.

Господи, помилуй (*трижды*). Слава, и ныне:

Кондак, глас 6-й

Иларионе, священномучениче Христов, служителей грядущаго антихриста не убоялся еси, Христа мужески исповедал еси, за Церковь Божию живот твой положи, красо новомученик Российских, Руси Святые похвало, ты Церкви наша слава и утверждение.

От Божественныя мудрости твоея, Иларионе святыи, исполни ум мой помраченный и страстный, яко да воспую житие твое, добродетели и подвиги твоя, с верными зывая: радуйся, молитвенниче наш преблагий, радуйся, богослове вдохновенный, радуйся, глубину таинства Церкви постигший, радуйся, в Церкви единой путь спасения возвестивший, радуйся, хитросплетения лукавых совопросников посрамивший, радуйся, еретик хищныя молниеносно победивший, радуйся, патриаршества крепкий защитниче, радуйся, отеческих заветов верный хранителю, радуйся, Христа истинное исповедание, радуйся, за Церковь жертвенное заколение. Радуйся, Иларионе, Церкви наша слава и утверждение.

Песнь 7

Ирмос: Неизреченное чудо: в пещи Избавивый преподобныя отроки из пламене во Гробе мертв, бездыханен полагается, во спасение нас, поющих: Избавителю Боже, благословен еси.

Святыи священномучениче Иларионе, моли Бога о нас.

Аще бы не мужество твое, священномучениче Иларионе, множайшее язв и ран возложиша бо на Церковь Русскую еретик и гонители, звери хищныя. От тех избавивый нас, Боже, благословен еси.

Святыи священномучениче Иларионе, моли Бога о нас.

Труды твоя, Иларионе, вкупе с Патриархом твоим Богомудрым Тихоном, милость Божию привлекоша и чудо неизреченное сотвориша: еретик яко дым исчезоша, и устави церковнии возстановлени быша, вернии же восклицаху: Боже, благословен еси.

Святыи священномучениче Иларионе, моли Бога о нас.

Наставник бысть монахом обители Сретенския, Иларионе архипастырю, из той же ты еретик изгнавши, храм иконы Владимирския паки освятил еси. Тамо же и ныне иноцы зывают: Избавителю Боже, благословен еси.

Слава: Иларионе святыи, обители Сретенския слава, сподоби нас, немощных и грешных, молитвами твоими от

пламене страстей избавитися и от искушений невредимы сохранитися, Господеви взывающе: Боже, благословен еси.

И ныне: Кто Тебе не прославит, Пресвятая Дево, Ты бо роса духовная, греховный пламень угашающая и верная благодатию исполняющая, к Тебе Благословенней вопиём: избави нас огня вечнаго осуждения и спаси души наша.

Песнь 8

Ирмос: Ужаснися, бойся, Небо, и да подвижатся основания земли: се бо, в мертвецех вменяется в Вышних Живый и во Гроб мал странноприимлется. Егоже, отроцы, благословите, священницы, воспойте, людие, превозносите во вся веки.

Святый священномучениче Иларионе, моли Бога о нас.

Духу мира сего почесть не возда, единого Бога почитатель пребыл еси, Иларионе всеславне, ныне Владыке всех предстоиши. Егоже, отроцы, благословите, священницы, воспойте, людие, превозносите во вся веки.

Святый священномучениче Иларионе, моли Бога о нас.

Воистинну вся власть тьмы на Церковь Русскую ополчися: обаче ты, Иларионе, духом крепкий, сего не убоялся. Христа мученически исповедал еси. Мы же, молитвами твоими ограждаеми, Царя Небесэ и земли славим. Егоже, отроцы, благословите, священницы, воспойте, людие, превозносите во вся веки.

Святый священномучениче Иларионе, моли Бога о нас.

О, священная и спасительная ночь Пасхи, егда ты, святителю Христов, во узах соловецких возгласи: да воскреснет Бог! Егоже, отроцы, благословите, священницы, воспойте, людие, превозносите во вся веки.

Слава: О, земле соловецкая, возрадуйся ныне и возвеселися: слава бо твоя, Иларион предивный с сонмом новомучеников, на небесех за Русь Святую молит ныне Царя Славы. Егоже, отроцы, благословите, священницы, воспойте, людие, превозносите во вся веки.

И ныне: Пресвятая Дево, на Небеса к Сыну Твоему взошла еси и скорбная земли не оставила еси. Покрый честным Твоим омофором обители и грады наша, жизнь

вѣчную подаючи всем воспевающим Тя.

Песнь 9

Ирмос: Не рыдай Мене, Мати, зрящи во Гробе, Егже во чреве без семени зачала еси, Сына: востину бо, и прославлюся, и вознесу со славою непрестанно яко Бог, верою и любовию Тя величающия.

Святый священномучениче Иларионе, моли Бога о нас.

Егда во врачбнице темничней Петрова града огневицею тело твое палимо бе, души твоя яко на водах упокоения, радостию исполнися, сетей князя мира сего избегнув ко Христу отходя.

Святый священномучениче Иларионе, моли Бога о нас.

Иларионе славне, Ты Христа небоязненно исповедал еси, мучения за Него претерпел еси и кончины блаженные сподобился еси. Темже и мы к тебе взываем: моли милостиваго Бога, да подаст и нам преставление безболезненно и живот вечный.

Святый священномучениче Иларионе, моли Бога о нас.

Ангельское пение и благовест пасхальный слышаша друзи твоя и сродницы, егда душа твоя, Иларионе, чистая на небо восход совершаше.

Слава: Тело твое многоболезненное во гробе узреша, чада твоя духовная возрыдаша, и: к тебе взываху: молися о нас, праведниче, у Престола Господня.

И ныне: Мати Безневестная, не лиш нас Твоего заступления, умоли милосерднаго Судию оправдати ны, верою и любовию Тя величающих.